


Мәриям
ХАКИМЖАНОВА




Шығармалары





«Ана тілі»
баспасы
ЖШС
2006



Мәриям
ХАКІМЖАНОВА

Шығармалары




«Ана тілі»
баспасы
2006

Мәриям
ХАКІМЖАНОВА

Шығармалары

Үш томдық
шығармалар жинағы




«Ана тілі»
баспасы
2006

Мәриям
ХАКИМЖАНОВА

Шығармалары

Екінші том

Өлеңдер
Поэмалар
Жазбалар



«Ана тілі»
баспасы
2006

ББК 84 Қаз 7

X—16

Қазақстан Республикасы Мәдениет және
ақпарат министрлігі
Ақпарат және мұрағат комитетінің бағдарламасы
бойынша шығарылды

Құрастырып, алғы сөзін жазған
Магира Қожахметова

X—16 Хакімжанова Мәриям. “Шығармалары” (II-том)
Алматы: “Ана тілі” баспасы, 2006 — 328 бет.

ISBN 9965-670-45-5

Қазақтың көрнекті ақыны Мәриям Хакімжанованың бұл екінші томына әр кезеңде жазылған толғаулары, поэмалары, балаларға арналған өлең, жоқтау және жұбату жырлары жинақталған. Кезінде Фариза Онғарсынова: “Еліме ана боларға лайық едің сен ғана” деп, Мәриям Хакімжанованың “әр сөзі — асыл батадай” екенін айрықша атап өткен-ді. Ақынның жүз жылдық мерейтойын откізуге, осы шығармалар жинағының жарық көруіне тікелей ықпал еткен Ф. Онғарсынованың жазғанында “жыр — отаудың сәні, ақыл — ойдың нәрі” — М. Хакімжанованың Ұлы Отан соғысы жылдары ерлікке, патриоттық сезімге баулыған дүниелері де тұнғыш рет осы кітапта топтастырылып берілді.

X $\frac{4702250200}{415(05)-06}$ 06

ISBN 9965-670-45-5

ББК 84 Қаз 7

© Хакімжанова М., 2006
© “Ана тілі” баспасы ЖШС, 2006

Өлеңдер

*Ағайынды бесеуміз бірге туған,
Жарыса өстік жасқанбай от пен судан.
Екі аға,
екі інім бар ортасында,
Жалғыз қызы бол қасқайып өзім туғам.*

*Өр көкірек үлдардың арасында,
Жалғызбын деп қорғалап қаласың ба?
Өлең атты ақ құстың қанатында,
Кемін барам ақындар санатында.*

БӘРІҢДЕ ДЕ ЖЕТЕРМІН
(Жамал келініме)

Ақ жарқын, қадірменді Жамал қелін,
Өзіңмен бірге тұрган кезім менің.
Ескерткіш боп қолына бара жатыр,
Сагынгандай кәрі қыз туған жерін.

“Әжем ғой” деп Зәурешің елең етсе,
Күлшар мен Хамза айттар “Апам менің”.
Бәріңде де жетермін қарақтарым,
Толқын атып қеудемде тұрса демім.

1980

КӨЗІҢНЕҢ ЖАНАДЫ ШОҚ
(Әсия Аязбаеваға)

Ақ көңіл, кішіпейіл, көргенді жан,
Өмірге тік қарайтын мінезің паң.
Ақсия күліп, қарсы алған қылыштарың,
Жүргімді жібітіп тербейді кан.

Сен де өзімнің қызыымсың алаңы жок,
Сүйсініп келбетіне қарадым көп.
Мен келгенде алдыңа қуангандай,
Күлімдеген көзіңнен жанады шоқ.

Берген дәрің ем болсын біздей жанга,
Оттегінің қасиеті сіңсің қанга.
Қайғы көрме қасқайып, адымдай бер,
Дос-жараның сүйінсін самға, самға!

1981

ҰМТЫЛ АЛҒА
(Студент Сәбитке)

Он жыл бұрын барып едің мектепке,
Өлең арнап жазған едім сонда мен.
Үміт, тілек зая болып кетпепті,
Студент боп, қарсы алдымда тұрсың сен.

Ата-бабаң салтанатын сақтадың,
Білімдарлық қасиеті дарысын.
Бар жақынның тілегін де ақтадың,
Құтты болсын, бет алысың, барысың!

Надандықтан, арамдықтан жиренген,
Аруақты — Алтынсарин үрпағы.
Ұлы Ленин дөуірінен үйренгін,
Дегенді айтып, тойында жыр шырқадым.

Әдепті бол, азamat бол, алғыр бол,
Айыра біл дос пен қастың арасын.
Алыста емес,
 өз ортанды үлгің мол,
Сен талпынбай, қалай кейін қаласың?!

Қайырымды бол,
 мейірімді бол, көреген,
Еңбеккор жан ерінбейді, талмайды.
Жақсылық, бақыт келмейді өзі тобеден,
Сол үшін адам,
 бар қайратын арнайды.

Ұмтыл алға,
 қатарынан қалыспа,
Арманым жок,
 озып шықсан жарыста.
Өмірлі бол, бақытты бол, балғыным,
Еске аларсын,
 Кетіп қалсам алысқа!

1982

ТАҒДЫРЛАС ЖАН (Дәмеш Ермековага)

Әрі дос, әрі құрбым, қадыр білген,
Тағдырлас жан едік біз қатар жүзген.
Ұсындым кітабымды өзіңе арнап,
Туган жыр, арпалыста мандай терден.

Оқырсың, ойланарсың қайран Дәмеш,
Қарсы аламын, айттар болсаң ақыл-кеңес.
Жек көрем, жиіркенем жылпостардан,
Өсекшіл, екі жүзді, қызыл өңеш.

Кулық-сүмдышқ ондайдың ойлаганы,
Арсыздық, арамдыққа тоймағаны.
Көзге күліп, сыртынан тас атады,
Сезіп қалар деп малғұн ойламады.

Талай шалды талай ку, қалды есімде,
Айтшы өзің, күйіп-пісем мен несіне.
Ит үред-керуен көшеді деген бар ғой,
Тұнілгенде, тұседі сол есіме.

1982

ТОЛҒАНЫП АНА ЖЫРЛАЙДЫ (1984 жылға арнаймын)

Жарқырап атты, міне, бейбіт таңы,
Куанды, құшақ ашты жанның бәрі.
Ақ әже, ақын әже өлеңдесе,
Мәз болып, құшақтайды балалары.

Әжелеп, аймалайды қыз-келіні,
Құттықтап, жабысады жас еріні.
Немере-шөбересін сүйген ана,
Елжіреп ет жүрегі тебіренді.

— Бала үшін, бақыт үшін төккен терім.
Еліме бағышталды еңбектерім.
Жарақты жауды жеңген жайсандарам.
Жанбыр боп жауған оқтан тайсалмадым.

Көп көрдім дүниенің жазы-қысын,
Алыстым, арпалыстым өмір үшін,
Ыстыққа суыққа да бой бермедім,
Егессем, еселенді қуат-қүшім.

Намыстың қасиетті туын үстап,
Қолымнан түсірмедім, қысса-қыспак.
Жарқырап жарық сәуле түрді алдыма,
Бақыттың, бостандықтың жолын нұсқап.

Іздеген арманыма жетті қолым,
Өмірден ылайықты таптым орын.
Санама саф алтындаі құйып алдым,
Лениннің қасиетті әділ жолын.

Көп дүшпан күмпілдейді көре алмаған,
Еліне шуақты күн бере алмаған.
Коммунисті құртам деп құлшынағы,
Өзінің келешегіне сене алмаған.

Аузынан қара көбік жынын шашып,
“Қырам”, “жоям” конбесен перне басып”.
Деп қорқытпақ ақ сүйек, алпауыттар,
Жынданған адамдай нақ қаны тасып.

Құтыға құйып алып ажал оғын,
“Қасына жинап алып азғын тобын.
“Батыс”, “Шығыс” тағдырың қолымда деп,
Арсылдап, айқайлайды күні бұрын.

Ойлан, мырза, ажалмен ойнамаңыз,
Жер жүзін жалтмаймын деп ойламаңыз.
Жауыздықтың қадамы қырқылсын деп,
Бар ана, соны тілеп ойланамыз!

Қара бұлт, тұнересің дауыл тілеп,
Дүниеде менен күшті жоқ деп білед.
“Ойнактаған от басар” деген сөзді,
Есіне есуастардың салғым келед!

1984.

ЖАН СЫРЫ

Жаңа жылдың кордім бүгін ақ таңын,
Куанышпен босағасын аттадым.
Жарық дүние, жайсан дүние төрінде,
Тебірене жыр төгілтпей жаттадым.

Өмірімнің отты жырын толғадым,
Жаным сергек,
сексен жасқа болмадым.
Ақындықтың қолыма үстап ақ құсын,
Аралаймын поэзия орманын.

Ақ қайың мен көк қарағай еменін,
Тік қараған теректерін көремін.
Қызыл арша, жасыл шырша, өрім тал,
Ортасында өлеңдетіп келемін.

Жарқыраған ашық менің аспаным,
Қара бұлттың қанатын қайырып таstadtым.
Ақ күмбезді Алатаудың торінен,
Сексен бірдің жаңа жырын бастадым.

Ақын киял аралайды шындарды,
Ақын үнін шымырлад шындар тыңдайды.
Ақын жаны алаулайды лапылдап,
Бақыт жырын айту үшін тынбайды.

Ойландырад, толғандырад табиғат,
Күмбірлетіп көкірегіме жыр құяд.
Жер бетінің сән-салтанат сәuletін,
Жырға қоспай, әнге қоспай кім қияд.

Өмір деген бейне бұлақ аққандай,
Шіркін дүние бар шырағын жаққандай.
“Жолың алыс, жүгің ауыр жинал”, – деп,
Бір керемет есігімді қаққандай...

Күн шығады, ай батады кезекпен,
Өлгеніңше ой тарқамас өзектен.
Ақын деген арпалысқан жандар ғой,
Дүниенің бар тынысын күзеткен.

Бар-жогына қарамайды ағындал,
Қасарысса тәңір ісіне табынбад.
Кейде асып, кейде тасып кетеді,
Кейде өрттей дүрілдейді жалындал.

Асықтайдын айтартымды айтамын,
Уақыт жетсе, мәңгі орныма қайтамын.
Отан аты, үрпақ үні өшпейді,
Откендердің откелінен байқадым.

Береке, бірлік сақтайды елдің беделін,
Беделді елдің белесінде келемін.
Қайран елім, қайран жұртым, қамқорым,
Ақ жүзінен ақ пейілінді көремін.

Жаңа жылда жетсін даусым аймаққа,
Жыр шашуын шашайыншы жан-жаққа.
Өмір соңы, жырдың соңы бүл емес,
Жүйрік қалам, ақ қағазда ойнакта.

ҚАЙРАН ЕЛІМ!

Қос орденді қос қанатты Қостанай,
Ата мекен, саған келсем көңілім жай.
Сенде тудым, сенде өстім, сен маган,
Көрінесің ақ сүт берген анамдай.

Көрем сені ыстық құшақ ұядай,
Жырым төгіледі қөкіргіме сия алмай.
Келгенімде жас баладай қуансам,
Кетерімде қиналамын қия алмай.

Қайран елім, қайран жерім гүлдеген,
Қайран халқым қаталдықты білмеген.
Өзінен алған тәрбием ғой жасымда,
Мейірімді жүрегімді тербegen.

Қайран елім, қайран жерім қуатым,
Саянда сенің өлең жырым туатын.
Таза ауаң, жұпар исің, самалың,
Көкіргімнің қайғы-шерін жуатын.

Қайран менің жарқыраган көлдерім,
Сағынғанда аңқам кеүіп шөлдедім.
Әупілдегің көтере алмай жатқандай,
Сарғая күткен, сағынышын кеудемнің.

Қайран менің Тобыл сынды өзенім,
Сағынып келіп тоғайынды кеземін.
Жастығымның бар қызығы сенде өткен,
Келін болып түскен жерім өз елім.

Желек жауып, бетімді ашқан жырменен,
Сәлем еттім құшағым толы гүлменен.
Ата-енемнің ақ батасын алғанмын,
Мандайымнан сипап еді-ау нұрменен.

Ақ отаудың сенде ашқанмын түндігін,
Тұңғышымның сенде кескен кіндігін.
Көрген түстей бар қызығым қысқа боп,
Арман болып артта қалды сол бір күн.

Ақ отаудың қапсыра сап есігін,
Таянушы ем бал бөбектің бесігін.
Сегіз байлық, сегіз жарлық сексенде,
Өткендерді еске алатын күн бүгін.

Өткен күндер оралмайды білемін,
Сағынғанда келіп-кетіп жүремін.
Топырағынан айналайын тұған жер,
Өлең арнал омырауыңа ілемін.

Көрем сені ыстық құшақ ұымдай,
Жырым төгіледі көкірегіме сия алмай.
Келгенімде жас баладай қуансам,
Кетерімде қиналамын, қиналамын,
қия алмай!

1986

ТОРҒАЙ ТОЛҒАУЫ

Қасиетті қара шаңырақ Торғайым,
Сағынып келіп, саяңда сенің толғайын.
Егізіннің сыңарымын ежелден,
Сексенімді өз қойныңда тойлайын.

Ұбырайдың жалғасы бол өскенмін,
Гүлінді теріп,
сұынды талай ішкенмін.
Откендердің аруағына бас иіп,
Ақ пердессін өзің ашы сексеннің.

Ақ күмбезді, ақ тілеулі ордамсың,
Ерте оянып, елге үлгі болғансың.
Ақ батанды алайын деп келдім мен,
Деші маган,
сапарынды онғарсын!

Ата-бабам мекендердеген Торғайым,
Откенінді, өскенінді ойлаймын.
Талдап қарап, тарихынды зерттесем,
Елдігіңе, ерлігіңе тоймаймын.

Талай ұлың өткен кешіп өткелді,
Талай ауыр күнді бастан өткерді.
Ұлы-қызың бостандықтың жолында,
Қыындықты, құғынды да көп көрді.

Әлекен мен Аманкелді қос қыран,
Айқасқанын аламандай бастырған.
Женістерін сол ерлердің жыр еткен,
Омар, Нұрқан, Қайникейдей жас ұлан.

Атың Торгай болғанменен даңқың зор,
Тарихтан алар таңдаулы сенің орның зор.
Кенжеғали Сагадиев — ұлымдар үшқан үядан,
Фылымның өр биігіне батылдықпен созған кол.

Торгай сенің топырағың дарынды,
Атамай қалай отемін мен барынды.
Сырбай, Faфу ізін ала Кеңшілік,
Серік шықты жырымен от жалынды

Өзендерің қайнап жатыр шымырлап,
Қарай берем жақсылыққа ырымдап.
Ата мекен аруақ қонып, нар шөккен,
Үрпағыңа өшпейтүғын қонсын бақ.

Ел бастаған, білімді дүлдүл азамат,
Ер қанаты әділдік, шындық, ақиқат.
Елің-жерің гүлдей жатса мәуелеп,
Сонда бақыт, сонда алғыс, сонда атак.

Өлеңге орап, айтып өттім ұлагат,
Бауырымсың, емессіндер сендер жат.
Енді қайтып көріскеңше күн жақсы,
Артық айтсам кешіре гөр Жамағат!

1986

СЕКСЕН СЫРЫ

Серпіп қанат келіп қалдым сексенге,
Сыр бермедім сексен таудан өтсем де.
Тауды тесіп,

тасты езіп жеттім-ау,
Бір сілкініп қалайыншы сексенде.

Ұзақ жылдың арқаладым жүктегін,
Сыр жасырып ел-жүртімнан бүкпедім.
Қиналсам да, қысылсам да қынжылмай,
Еңбектендім,
көздің жасын төкпедім.

Үстаздарым агалар мен апалар,
Олардың аты тарихта мәңгі аталар.
Солар берді ұлғі-өнеге өшпейтін,
Өлеңім де, өмірім де от алар.

Көп жыл бойы жалғыз жырлап талмадым,
Жалғызыбын деп жолда жұтап қалмадым.
Жалғасымды ұзақ күттім жалықпай,
Жыр өрмегін қыздарыма жалғадым.

Тәуекел деп белді бекем байладым,
Ұлы еңбектің қазанында қайнадым.
Қолымдағы жетімдерді жетектеп,
Болашағын сәбілердің ойладым.

Жетімдікті, жесірлікті елемей,
Қарсы жүздім,
бейне алып кемедей.
Талай үлді, талай қызды өсірдім,
Қасиетті ана мейірін тежемей.

Сүт орнына жыр еміздім жүректен,
Аяладым, әлпештедім тілекпен.
Желге-күнге тигізбедім мәпелеп,
Аққудайын балапанын түлеткен.

Білім бердім, үйлендірдім қолымнан,
Тапқанымды аямадым жолынан.
Балтандайлы бөбектері еркелеп,
Әжетайлап жүгіріп жүр сонымнан.

Бәрі де ұшты қанаттанып ұямнан,
Кейде аңсаймын, күлкілерін қиялман.
Немерем мен шөберелер келгенде,
Куаныштан кең дүниеге сия алмай.

Дүниенің бар кетігі жетілді,
Айтқан ақылым, ілтипат пен өтімді.
Келіндерім еркелейді қызыымда,
Еш қайсысы қайырып көрмеді бетімді.

Түйдек-түйдек төгіледі өлеңім,
Өлеңдетіп ортасында келемін.
“Теріп алып, бала баққыш” дейтіндер,
Төмен қарап, өтіп жатыр көремін.

Сол балалар бақытый да мақтаным,
Аздырмадым саф алтындей сақтадым.
Қыршынынан қыылып кеткен боздақтын,
Қасиетті аманатын ақтадым.

Адалдық пен ақ пейілден азбадым,
Жоқ болсам да, сұранып қол созбадым.
Қайран елім, қайран халқым, бауырларым,
Әздерінің ортаңда жүріп маздадым.

Қайран менің қасиетті отаным,
Куанышыңа, қызығыңа батамын.
Мәңгі өшпесін бейбітшілік туынан,
Ұлы көсем,
Ұлы Ленин атағың!

1986

МЕНИҢ КӨРШІМ

Менің көршім аракқа кетті батып,
Арланбайды ішуге құлап жатып.
Арақ үшін безіретті жақынын,
Арақ үшін тіленеді көзін сатып.

Менің көршім аракқа кетті жүзіп,
Адамшылық қасиетін болды бұзып.
“Түбіме сен жеттің-ау” деп әйелі,
Оңашада көз жасын алады үзіп.

Ұялғаннан ешкімге көрінбейді,
Сондадағы қомқорсудан ерінбейді.
Қыып кету жолдасын қын екен,
Құсып-тышып жатса да жерінбейді.

Сондайлардың көз жасын тыйды бүтін,
Талай семья түсірді ауыр жүтін.
Талай тентек теңселіп есін жиды,
Партияның ести сап айбынды үнін.

Енді білді өздерінің адасқанын,
Совет заны көтерді, қара аспанын.
Сыртта отырып біздағы қуанамыз,
Еңбекпенен, ел-жүртпенен жарасқанын.

1986

МӘҮЕЛІ БӘЙТЕРЕГІМ

Бұл өлеңімді Зейнеп Тоқберлинаның 80 жасқа толған мерекесіне арнаймын. Ол менің ескіліктің құрығынан босап, астанаға келуіме себепкөр болған жанның бірі еді. Бейімбет аға, Халима Әбдікәримова, (Крайкомның әйелдер бөлімінің бастығы болатын), Зейнеп (“Әйел теңдігі” журналының жауапты хатшысы болатын) үшеуінің арқасында мен астанаға 1929 жылдың қысында келдім. Өзімнен бұрын алғашқы “Женотделге” деген өлеңім “Әйел теңдігі” журналының 12 санында басылып шыққан екен. Міне, оған да 58 жыл болды.

Өзінсің алғашқы рет бетімді ашқан,
Көрмей жатып журналға жырымды басқан.
Би — аға мен екеуің дамыл таппай,
Хат жазып,

Ақын қыздың жолын тосқан.
Екеуінен үйрендім,
алдым сабак,
Үмітпен тұруші едіндер кезек қарап.
Еңбектерің еш болмай берді жеміс,
Ақ құсы ақындықтың қақты қанат.

Куанушы ең жазсам мен жақсы өлең,
Ерекше мән беруші ең сөзге терең.
Жан ашыр жан едіңіз ақ пейілді,
Басқаға сенбесем де саған сенем.

Алпыс жыл өтті міне содан бері,
Жетпіске толғалы тұр совет елі.
Бірге жасап келеміз қанаттасып,
Секіріл өттік сексеннен екі сері!

Өмір сүрдік Алатау аясында,
Астанамыз Алматы қаласында.
Немере мен шөберелер өсіп жатыр,
Алма бақ, гүл-бәйшешек саясында.

Жұмабек, Ардағың мен Сәуле, Раушан,
Ойланам өткен күнді есіме алсам.
Мәуелі бәйтеректей гүлдеп тұрсын,
Немере, шөберене көзім салсан.

Бір кезде ұстаз болдың ақыл айтар,
Дос болдың, сырлас болдық шерді шайкар.
Бір ауыз қатты сөзге кеп көрмәдік,
Достықтың бар қасиетін бізден байқар!..

Қатар жүріп қартайдық қайран досым,
Біздер жинап кетерміз өмір қосын.
Тірліктің де тірелер жері бар гой,
Артта қалған үрпактар аман болсын!..

1987

АНАНЫҢ АРНАУЫ

(Ұлы Октябрьдың 70 жылдығына арнаймын)

Шабыттанып шалқышы бір көңілім,
Нұрға, сырға, жырға толы өмірім.
Сексенде бір сілкінейін серпіліп,
Күмбірлетіп Алатаудың өнірін.

Ай астынан көк құмбезге қараймын,
Саусағыммен ақ шашымды тараймын.
Самал желге ашып тастап кеудемді,
Таза ауанды сіміріп-сіміріп алайын.

Ана атын арқау етіп толғанам,
Анаменен гүлденген гой бүл ғалам.
Ана алдынан басын имей өте алмас,
Адамшылық ар-намысы бар адам.

Ыстық қаным неге мұнша тулайсың,
Жан тебіренбей,
жақсы өлең тумайсың.
Ақ тілеулі, асқақ даусым шыққанда,
Асау жүрек,
өз қабыңа сыймайсың.

Көрілікті сілкіп-сілкіп тастаймын,
Отсыз, ойсыз, жасық сөзді қоспаймын.
“Сырлы аяқтың сыны кетпес” деген бар,
Илмейді емен мен ақ қайың.